

新刊國朝二百家名賢文粹

新刊 國朝三百家名賢文粹卷第九十五

書

上監司帥守書

上福建提學勾漕書

洪內翰

某竊聞當世士大夫羣居尚論人之賢不肖至其龍蟠雲雨不
事事者必曰宜爲學官論官曹之閑且冷廢與盛衰於郡縣無
所系者必曰學校戴白之叟三尺之童子習說見聞謂爲誠然
郡博學之來途達者不避坐蹕者不起府吏摩肩而不顧走卒
戟手而不揖況在諸生其不族嘲而隨侮者幸也嗚呼先王養
士之至意聖天子賢宰相隆學之盛德可謂大矣而陵夷至此
則廩稍之不充室宇之僅存禮貌之或衰日朘月銷無足怪者
聞自常公褒長材秀民舉知讀書彬彬至今而禍爲最盛科詔
一下揚袂應書多至萬負其春秋自角於有司者亦數千計士
亦游泳教育惟恐在後室宇槽皂不遑暇恤故有藉於學者常

天下而得食堂上者且三百輩餉餼廣積一朝夕之所可
慶哉今視歲所入才得米二千二十三斛錢五百七十有七萬
至於釋奠課試職掌之奉祿未嘗不此乎取之幸大有年時諸
邑之長吏公平追科唯謹不少負自旦而給之猶且至十月而
不繼況於天稍潦旱職思其憂者又漫視靳奔之士苟不能自
穀於家其不委而之他者鮮矣文風不張可改足稍損失大射
夫何勝言某不肖捷取科第於經術懵不通曉充位師儒異矣
爲官擇人之意外堂正坐赧色百出亦無幾其徒飽食不擾自
容空餐而外事無何齋厨索然藜藿不厭冠帶踵門啼飢丐休
府雖巨藩年無贏儲左支右梧未能自濟士之飢飽豈敢復有
謁於有位之君子乎恭惟閣下不綉持斧吏畏民服爲今朝第
一流而整齊學校之意蓋於江西見之其昔者待坐蓋聞其略
矣今又以部使者之首督攝李改其於斯時不能開口奮臆爲
人一言曠官之誅死有餘罪伏見建寧邵武甘蒙損給編生

徒賴之朽貫萬計今不敢疑此儻歲得三百萬但爲煖煖頌歌
之興無待終日使臺臨撫八郡四十八縣之廣緡錢羨餘不可
以億兆會指二百萬以惠一卒巨海去一鱗耳笑談指麾易若
反掌而一方不勝誦望夙夜之大願非邁一人之私言也冒浼
威尊屏息待命

代上劉使者書

趙狀元

蜀部四臺益部爲最重凡選用使者必叅以明敏愷悌乃得任
執事繡衣鼎來成都之人瞻望咨嘆曰先大夫持節此州有德
在民猶像存焉父子繼踵澤此州十五郡之民何以報劉氏嗟
夫士之生於世坐於廟堂進退百官佐天子出令膏澤天下天
下稱賢焉然後爲至若猶未也攬轡登車春雨秋霜上爲君相
之所看下爲斯民之所收屬如執事之今日者亦不可謂不如
意也當此之時縉紳之儒巧於文墨者莫不引筆伸紙頌詠刻
畫以巧執事之知願若某者抱拙守訥素不能出一詞而一旦

抱其鄙野之語將有譏焉無衆人之所能而爭衆人之所欲進
則獲戾於左右退則朋友之所譏罵某亦自謀之不審矣然其
情不可不察也某聞之天下之所貴者衆人之所必趨而懼其
後也景皇鳳凰欲其先覩蓬萊方丈欲其先登燕昭築臺郭隗
不自揆量而請居之燕昭從焉隗因得益自修飾以充負燕昭
之舉而釣來樂毅之徒燕昭於是有多賢之名而萬世後隗亦
有聞焉向使隗奉身卷舌而不敢自先於衆人則何以然自致
於燕而今豈復知有隗哉故曰天下之所貴者衆人之所必趨
而懼其後也今執事之在此堂也非特景皇鳳凰之瑞蓬萊方
丈之深也其而病狂則已不然豈得無衆人欲先之心哉伏念
某少時刻意學問年十五走京師入太學從四方豪俊遊凡六
年而歸又九年而得一官又十四年始得郡從事拜於麾下前
後四十年遭值紛紛可嘆可笑蒼顏已老青衫如故改秩之日
顰血涯際此其窮困何如也蹤跡鄙弱何足暴露聒亂人耳目

是素無聲稱又且樸促不足以自奮於大人君子之門所以致此屑屑之憐而無愧也共惟執事德望遠播實傾西南之人士之求進捨此奚擇况忠誠發越剴刺史之識既已卑舉猶日孜孜以人物爲已任此其得爲門下郭隗時也惟執事與其進其敢不益愈修潔以高報稱僅得執事職拔以不泯沒於斯世而百世史冊且將記執事以不朽焉此又非特今日之榮幸也

代上韓都大書

同前

鄒陽有言曰明月之珠夜光之璧以暗投人於道無不按劍相視者以無因而至前也蟠木輪囷離奇而爲方乘粟與有以左方爲先容也噫審如是則希世之賢雖有瑰奇之質以無因而見疑不才之木以先容而獲用於當世斯人也殆將啓天下之士角爲奔競飾智垂名以求知於大君子之明而其所以進者唯至右之末爲是也此豈爲知豈有惑乎鄙人也予識驚下無將觀麋覽之知然自少至長粗知讀書年十五慨然而束書走京師就太

學藝蓋自通者七八年靖康之變狼狽西歸學既無成始受出
賞屬類試川陝一再舉而僅得之不幸災害相仍五易歲叙蓋
自忝冒以至于今十有五年揆遲冗散未有振發之期內則無
相然之友以揚其聲容外則無振援之勢獨其操心精慮日以
堅勵期自植立以無忘先君之訓雖鄙陋不足以希明月夜光
之貴而壁豆之蟠木尚有取焉惟是門地單薄了無先容之助獨
紆徐容焉一遇當世偉人超然遠覽如權衡水鑑輕重期醜了
然霄次者庶得以少伸其志也天啓其塗使蒞官麾下獲備使
令於則以憤其夙昔之願僅懷疑曲縮不自一伸其家而求左
右以爲先容是自弃也非所以爲事君子也恭惟閣下鍾德相
門爲時庸使以宏廓洪偉之量輔正直剛大之業受知君相銜
命西來摘發垂伏聰明若神使在位聳擢不敢爲非而爲善者
加勉而有所恃金蜀之士莫不延頸企踵洗心易慮期自處於
無過之地庶幾一望几闕少希顧盼之榮焉願其瑣瑣淹沉士

不夫之後何足以汙大君子之齒牙乃者竊聞閣下不以其不自辱記姓名許賜提拂及進見存撫慰薦懇勲甚備自揣一介何以得此於門下雖結草銜環固未足以酬万分之一也抑嘗聞曾指孔聞粗有才華未爲時知孔珪令草表以示元暉元暉嗟賞因謂珪曰士子聲名未立當共獎成元惜齒牙余論甚受知於門下旣無按劍之疑而竊祿於此以報盡一行之命伏惟上念鄒陽元因至前之難推元暉獎成晚進之意特垂收錄借重諸人俾寒谷孤根不日遂生成之意外竊之惠非閣下其誰任之

代上茶使書

同前

某讀史至轍蔑魏勃事切自感嘆以謂士不幸無位欲一見世間名德大人面顏貴賤殊隔咫尺千里而心腑間有千里湯火寧廢寢輟食不敢一日釋雉而弗執也猶不得見則甘心僕妾之役收無望下幸一言之中者甚至於損告人之門以求自通

蓋經歷旬時然後僅償其區區而逮者至於十歲或一歲始得
望履幕下嗟夫士之交於卿大夫其勢如是之難其身如是之
卑其爲計如是之逆而可笑也然二子不出售用之術龜勉入
之所不堪僥倖人之所共欲豈非上下之交不可力取逡巡委
曲待其自合乃安耶雖其顧視一日不啻三歲然回翔久之不
變者必行其志以厭其欲故不自覺日月之飛馳不然徑情直
前彼將唾罵弗接而尚何執手以千薦而貴之之敢望故曰迫
遽者退淹緩者進當今之日進言於執事之前名位不聞歲月
不淹而欲有求焉亦可謂天下之至愚無知者矣其惟執事宏
才巨德妙文碩學爲一世標準殆晉叔向曹相國之爲人也
聖天子以爲賢眷西蜀射賦之重委以董護遂建大將旗鼓進
時巴蜀曾未踰年願庸上聞歟曰峽道非所以煩公也蜀賦最
賻者莫如茶與馬以是命命執事旌靈西來觀評填郊其聲聞
聞曰紹衣之宜兮敝子又敗作兮適子之館兮還受子之繁兮

非特是人出又有絺章繪句稱譽盛德者斟酌損益講磨利害
而上公府者板援權勢求備升祿者是三人者其數不可計雖
輿茂魏勃再收受器掃門之術將有所不得施是非奉咫尺之
書飾鄙陋之辭而可以奪一諾之重於旬月間也然聞之麴陸
之魚仁人興哀浮屠之夫君子合之其之得據於此也抑可謂
勤尔已矣自惟少時弄意讀書年十五即走京師入太學從四
方豪俊遊感激自奮既不墜其家聲以無負父兄切切之誨不
幸學未成而有靖康之變徒步万里出沒風濤間僅乃得歸返
未思有復就學偶得一第於稠人中學雖未成而名已從矣方
欲卒業家禍繼起飢寒迫其前妻子驅其後乃始強顏隨牒以
自活然其夙昔之志耿耿于懷不忘也蓋其生十有五年而游
幸六年而歸又九年而得一官又十五年始得拜於榮戟之下
年五十矣向者諸公憐其窮引手援之疑若有僥倖政秩之緣
今年十月將遂罷去章尚闕其一此於執事先生不能無望執

事之來也其不得留曰起牆仞之下以終平生欣慕之素又不
得執事一美言以去人將謂其何某將謂人何夫惟使其有以
籍口於人又使其緣執事而脫飢寒之憂一發而兩利俱使其
何以自己哉用敢叙其區區之蹤跡塵穢不自愧耻而輒露之
其勢遽非收器掃門而俟也左右其加意焉

上馬運使書

同前

東野則嘗曰布衣之士不惜勢於王公夫人則無以成其志愈
之意蓋宏在下者不能自致富貴必有貴者提携之然後可
以脫其貧賤之憂理則然矣而其所以爲言則非也古之君子
以聰明英偉之資而立於衆人之上清心平手以斟量天下晚
進之士曰此賢也此能也此孝悌忠信也公勤廉潔也得之於
吾心置之於吾君豈獨爲斯人利祿之地也哉以爲居衆人之
上爲天子擇人吾無心也惟其無心故居天下之重任而人不
以爲無功引授後進拔提淹滯而人不以爲沽名有其器而不

獲其具而得用者万不有一焉人於是乎翕然推尊之曰
曰斯人也士之所爲重輕榮辱者也於是乎天下之士莫不奔
走於其門以幸聞於一言何者天下之士其大者孰不欲行其
所學以衣被天下小者欲爲國家建立功業以垂之無窮也雖
然吾有是志者未知其獲伸焉否也吾有是才者未知其才之
果堪否也故汲汲焉於斯人也其許我焉吾且得行其所學以
衣被天下乎不然亦得建功立業以垂之無窮儻其不我與也
則足以知吾之不足以處夫二者之間將心思慮布衣藜藿以
自立於無過之地而已矣古者王公大人之於士其嚴如此而
何勢之足去士之所以奔走於王公大夫之門蓋以自審其才
而何勢之足惜審如俞言則天下混混惟勢是從下之所以求
於上者以勢不以道上之所以達於下者以位不以德勢移事
去吾亦轉而之他上下爲市名實俱毀舉者甚輕求者無厭是
教天下相率而爲浮僞者也若其則不然雖其資質推曾不足

以盡識古今聖賢窮達出處之際獨其賦性樸實切有事君子之心幸而得遭斯人求一露膏腹以爲其死生去就之決今天放其塗使蒞官於執事臨按之下儻開口不言是自弃也非安分也伏惟執事以忠厚正直受聖天子之知十余年間四持使節烜赫盛大無以徧比西蜀地方三千里戶口數十萬視執事可否以爲休戚一言之出列城聳動其於予奪之間而其人賢否決矣豈非古所謂聰明英偉立于衆人之上清心平手以稱量天下晚進之士而爲之輕重榮辱者坎坎念其蠢愚不足以爲當世取舍然自始改齒父兄教之以書十三執筆爲文辭以爲遠方未足以自售也東走京師水陸數千里藿藿益六七年謂天子之爵祿可以平取狼狽西歸凡再試於春官而僅得之自其始學以至于今十有五年矣而青衫蒼顏未知改秩之期亦天下之窮人也向者主縣于彰明諸公不以其不肖而辱舉之是以此今者惟不遭王公大人之可以榮辱我者也元元焉

而行默默焉而自藏也執事以一世名卿之重觀風乎上而某
以二十九年窮苦之餘守職于下是將見夫所謂輕重榮辱于
我者也其可不疾趨大走以求快其夙昔之願而決其平生之
去就哉孔子曰予所不欲者天厭之凡孔子所不與者則天之所
弃也當今之世可以居此任者非執事而誰某甚懼焉是用敢
忘其固陋而述其區區之懷以投告左右寧不足管晏之任不
願不道仲尼之門寧得李將軍一諾不願得百鎰之黃金也外
之於九天墜之於九泉重之於泰山輕之於鴻毛在執事於可
否之間亦惟執事憫焉而收瘠之

上湯茶使書

方舟先生

益爲蜀都會凡五十餘州人物奇傑者咸在異時貴人官此者
例皆領略不忍遺士士有負一伎一能不至盲聾蹙蹙皆得畢
其思慮而極其詞故上得以蒙好士之名而下得以乘附有聞
者蓋相資也且前之王褒因何武近世范鎮因薛簡肅彭乘因

張忠定蘇洵父子因張文定尚可悉數今數十年間遼瀋名姓
不復掛諸公之口而士子苟務自售未意希合以幸富路光米
不復顧廉耻禮義上之君子亦因以小數折而伏之士失其所
守可惜也閣下於蜀士不薄矣聞其名稱即欲見之不見則致
之既至則禮之於士如是之誠也計今所得凡幾士如四科人
物長短小大必能次第處之矣閣下以耆儒爲貴仕道德足以
風厲文雅足以矜式士以一見期於榮其終身不特年歲周旋
之暫也某之此來豈無望哉頃在洛上拜謁以文自通閣下察之
於衆而許之以言私念此久矣厚幸試吏使部日以賤事而百
吏趨走于庭前之所許某者或尔因此悉其平生所懷爲衆人
爲國士輕重在閣下某不能自小也好古孝知文詞於此粗有
意而未獲盡者赳赳囁囁此其心亦自有所藉謹以經進大學
說二卷鄙文二卷爲賀禮閣下審其言以終向者之所許幸甚

其名位低下言爲高暗不識禍福妄用所業賢顯人將以佞知
而公府潭潭若淵顯人胷中無涯矣自富不報始時欲言紙筆
和墨臨文輒罷曰是大亡益祇自勞耳幸今閣下訂意人物而
前者不佞故其有所獻未瀆清濁斯鍾牛鐸不入里耳異天
下之知聲音者過而問焉竊惟科舉一事西園頃李病之久矣
古有鄉舉里選之法推有德行道藝者登其數于王王拜而受
之謂之賢能之書戰國之士急啼疾馳榮譽朝夕謂談仁義如
孟軻於齊不過爲下鄉談王制若荀況於楚不過爲祭酒儒其
業若叔孫通於秦不過博士去而學兵學兵可爲將不知孝悌
廉可以爲相於是周孔之道脆弱不振者久矣有漢崇經士皆
東門非伏生書田何易則謂之無師非父子傳授則謂之無法
故漢之文章閎博淵粹號爲得人之盛下此如魏如晉如齊梁
間設科不一而士氣浮僞無可持循者今日取士大抵尚唐相
低昂而法度漸比往往過之然郡國變詐未能盡去且一經之

弊甚於聲律而命題植意可以網羅每聞印之士走蜀蜀之士
走眉成都縣漢彭嘉陵簡之士又不知其他走也多購厚畜更
相貿易以中有司之求而迂李陋生枕藉圖史大挾以入有司
任好惡不以全場定去留見皮相馬用指測律未能攷實其失
愈多中間賂遺賄行幽談聚笑押鬼淒則汚吏不顧崇瀟溪壑
外樹牙齋縣中啓關鍵棘圍重重無補嚴密同列者豈能究之哉
視其面若無蹊蹊可入其意之所私高則出月脇遠則過場谷
其深包曲蔽則在蒼梧垂夢之野同列者豈能究之哉剝金者
忘人貪餌者忘鉤有司之不公不明者忘云且三晉之士尚權
交有因權變以成功齊魯之士競口舌有因口舌以得官習以
爲風恬不知怪而況科率乎唐薛登嘗言今之率人有乘事實
明制才下試遣搜揚馳驅府寺之廷出入王公之第俗號率人
謂之覓率覓爲自求之稱非人知之許其爲弊何時今日耶崔
圓試士東都吳武陵持杜牧阿房賦詣鄭使以第一人處之圓已

有所主而牧之止得第五是非爲有力者所奪耶往年劉青州
閱情於此故文移校官丁寧訶切往返件諭開陳根萌以迄開
其塗而十四郡之士以此相慶其檄草當在尚可覆覩也吁三
歲括賢於海內寔朝廷大事其上以爲三公其次有簿書獄訟
錢穀之寄雖小亦有民社之託而令俗才僥倖以得益天官者愚
弄其衡柄直使人惋憤恭惟閣下以文雅道實取至公上第周
流四方知人之情僞而皇華之光再照右蜀雍容溫潤出於天
姿和而不同緩而不迫以待吾蜀之能言者有使者若此其恩
負之哉如上所陳儻可徵採願開燕索言之

上監司言折科書

同前

其不妄自出門下益刻筋力愛養皮毛以不辱駐策齒老骨絕
而後已重念某受知特與衆異田舍兒引吭無好音衰冷薄味
不入人齒頰明公誤有論薦不得他入半口氣有所吹鼓而特
特憐愛出於方寸此所以爲而衆異也且爵祿本與賢者共而

令士人斲斲如取諸懷中若公者真幾人哉悠悠薄徒多負
風誼從容辭令緩急無可倚者上天梯級安用援引此輩耶某
數日則欲以折科一事納忠于左右似聞屬僚中亦嘗有舉此
端倪者承公峻扞而逆聞之支縣小佐兩耳不審傳訛之悟死
罪死罪劍外十四州唯彭邛蜀永東等有折科而蜀稅大率畝
不下二十錢斗餘粟而邛彭永東畝不越十錢而米不及斗其
重輕可見又有輸送遠倉中賣縑帛一畝之得征徭助納外所
入無幾今歲苦雨瀕江之田水齧大半何可更輕估縮資低定
米直四縣之民且有東國之作矣法有以日納月分取時估中
價而民間千四百五十至六七十錢始能置一縑今商稅場和
買亦千四百錢尚未即得公試令索四縣旬昨實宜則折科利
病炳炳在目不即馳一介刺問永康聞永康所申亦高於本郡
安有相去無百里而物價之不齊如此春夏絲鹽不富市價踊
貴杼抽之出歎然有限四縣十萬戶秋賦數方縑若蒙公加惠

民之意施德於不報一紙改更無憲六十七緝爲虐盡赤子衣
被之賜不斬之澤流在門戶殆愈於三軍之拔續齊侯之省刑
其利茲罅矣門下生學爲古人無所補報或規諷厚使妖媚顏
色其死不肯爲此馬周嘗言百姓安樂在刺史張九齡言才刺
史使民受其福惟公留情故觸風移驚戰何限

上監司書

思齋先生

嘗謂自古士大夫才智有餘而器識不足者可以周事功而不
足以寄重任器識有餘而才智不足者可占勝重之而不足以
周事功平居先事商功利課殿最見事風生迎刃輒解端若利
劍之不留行投以事機之會固優爲矣一旦富貴誘之利害迫
之則所觀變於前所守易於內矣無它才智有餘而器識不足
之過也以重鎮浮以厚鎮鏗沉之不清撓之不濁招之不來而
麾之不去介然如石不磷不淄委以甚重之寄固優爲矣一旦
使之臨煩遽而達事機則少文不足以應變無術不足以防戩

昧於消息盈虛之理矣此無它器識有餘而才智不足之過也
西都士大夫正蹈此弊薛宣朱博所在稱治爲世吏師刺斷裁
決庭無留事才智足稱也及居大位以苟察失名其著至於耽
騁進不師道德士可言者是非器識不足之患耶周勃霍光扶
頌支偃爲漢伊周重厚端謹堪寄大事器識足稱也然錢穀決
獄之對不足以備清問之間湛濁滿盈之過不足以爲門戶之
元功滿天下而智術曾不能固一身是非才智不足之患耶竊謂
士大夫不可无才智而才智恃器識之輔不可无器識而器識
爲才智之主蘊器識而爲己重而運才智以周事功古難其人
今乃得矣恭惟執事蘊古人之器識而無才智不足之慮運古
人之才智而無器識不足之患天子軫念東蜀付以屏翰之任
執事才智器識固已備在帝心非區區么麼所能輕議然執事
下車布政幾年于茲自黃綬至墨綬凡幾吏自倉氏至庫氏凡
幾官莫不懷不慙然修奉厥職如執事親臨其旁是誠畏執事之

才智而不敢偷容也間有修下吏之禮望履舄之賓無隨冠蓋
於後塵者一見莫不服深遠而去鄙吝是誠服執事之器識而
非鄙吝也某所以深議執事之万一誠得於所見如某是豈足
以盡執事之才之美哉伏念某江陽之鄙人也結髮讀書不治
它技政事之暇不敢廢書嘗攷古人之大節以觀今世之士大
夫而誦執事之高誼久矣今者備員麾下屬職守拘縻不獲時
詣下風以慰其平日頌詠之心瞻望台屏精神馳越第恐朝廷
一旦走一介之傳召執事而付以機政則位望愈隆名分隔越
塵冗小吏雖欲引吭一鳴吐其銛鏐以斷執事垂聽其曷可冀
乎其所以志其鄙陋而謊誦執事之才之美而不釋者非敢
誣執事也非敢誣執事也才智器識之兩情執事其有之也謹
書以代古人執贊之禮焉

代上監司書

洪內翰

某聞薦舉之制朝廷良法也行之三百年士以此進身者蓋不

可毛率然其末流之弊又不可勝言者士微利嗜進苟無平生鄉曲之好以謁於上之人則倚勢於執官借譽於先進旦朝謀之暮夜計之期必得而後已苟舍是則雖文如褒雄行如尾已政事如卓魯辯肆如儀秦至於老死而不能進寸尺上之人厭苦之而不惟其人下之人詭得之而不恩其知寥寥此風不可復振有大賢者出間能文顛障往擢一孝廉以裨國事往往更相傳說歎未嘗見嗚呼薦士美意也一何至於此哉其海濱之鄙人冠儒冠服儒服世世不絕也而困頓於白丁者蓋什九獨其庸庸亡奇資虞弗給乃幸得第一去民伍適吏行來至劇縣簿書分亦足矣然業為官又與進顯身居百僚底隨群詣曹騰前不勝多顧後才一尉耳每竊自命曰求仕以自樂也今乃尔尚欲求聞知何以哉不如投簪而歸耕既又自辭曰乘由委吏孔子嘗為之矣抱關擊拊孟子嘗言之矣今吾秩雖卑然自漢以來不廢賢卿大夫比比而為之而况我庸何傷使天而終窮

我則已矣天若惠顧我其必有日故強顏至今共惟閣下以絕
此超然之資奮乎士夫上上不肯入省府長監寺但爲具員吏
直自取遠外請使者之節而持之至於激濁揚清心乎古人寒
暑不能轉移縣之當代無有也攀鱗而外附冀而翔舍閣下而
誰而其無以而無舊好無熱官之勢無先進之譽詭持此戕以
歸誠乎憐析苟得於万一足猶登屋而索魚乎其難然向之所
東爲流俗設耳苟以期閣下是謂失人故斷然自決於方寸間
不待豐沐笑竄俯伏于行款伏惟加惠而幸進之

新刊 國朝二百家名賢文粹卷第九十三

國朝二百家名賢文粹卷第九十四

上監司帥守畫

上大名府王祐學士四書

河東先生

開辟拜人之生有幸與不幸也幸者自知而不幸者謂人莫知也己亦莫之知也蠢然徒若類而已矣或出夷狄之中生不識其禮義死不知其喪祭不幸也坎或在中國生不成人而夭或墮或聾或瘖或癩或狂或愚皆疾之說也不幸也坎或生當亂世戰伐交興相之以賊殺拘之以桎梏自不以其游夜不寧其居不幸也坎或生困于貧餓隸人之制僇受人之制限賤若于犬馬苟乎衣食者不幸也坎或生于兵言于弓矢之勞生爲農勤于耒耜之業生爲工力于刀斤之用生爲賈務于衡斛之任唯乎自足者不幸也坎或生弱爲老佛之徒淫於誕妄之說生與乎典吏之職掌于責罰之繁者不幸也坎是故君子篤道而

育德懷仁而合義惡夫不幸者也自古聖人賢士無不惜乎此
矣生而幸者少其人哉或曰子謂是不幸者謂乎莫若已之肯
儒者為幸也曰旨哉吾子之問儒者也幸乎幸乎不幸也已人之
不幸由于夫身之不幸由于已之者甚乎天之者也苟有外
其貌而內其情于儒何幸哉言不忠行不信事君不能尽其節
與朋友不能交以義父母在不能奉其誠居鄉黨不能與仁者
處見善不能致而孝以級之聞利喜而趨耻貧賤而奔附勢而
媚者雖于身為儒而曰幸乎其君子觀之不幸也坎存為識
者之笑沒為後人之辱甚乎前之者也開竊自念幸而不生于
夷狄之中自五歲而讀書以至于此凡十九年矣當時使謂執
事之文章與夫聖人之言雜而記之敢望今日親逢執事于是
邦哉苟或天死而疾病明天子不出而四海亂墮于執事之中
廢失人之素雜為賤類縱今逢執事于是邦也何能述于執事
之門哉斯非其幸者歟又開粗識古人之事不敢違道以就夫

志誑時以安其身苟行矣而進于執事之門亦負慙而自愧矣
開頗有自知其幸也敢請見焉執事儻不罪而寬容之成乎開
之大幸矣開再拜

上王學士第二書

開再拜先達者處乎上以待士後進者居于下以求知譬之登
高山立其梯焉前者苟躋而絕其梯未躋者無由而來矣前者
思而自念曰吾或未得躋于斯梯忽時而絕則吾雖趨然迫于
懷歸然上焉則亦莫致是之登其上也所以為上者必資于
下為下者必依于上上苟不容其下則上之功名無以大祿位
無以尊獨行而無徒獨唱而無和矣下苟不從其上則下之事
業無以伸力行無以施自處而無朋自絃而無開矣如此則不
能上下之相失噫將見其國亦不得而治民亦不得而安也國
與民亡其治與安則禮樂刑政無能措手足夏商周之世常幸
其士也所以王道成而風俗平秦漢魏晉取士者或士或存故

不迨于三代也。夫士之賢愚混不可不用擇。其良者也。前代之
衰亂者非不取士也。取不以其賢者也。君宰相之下立百辟庶
尹。非獨奉其職而從于政。亦要知其士者。取而致乎國也。我國
家四海。今治者蓋得執事者之在于位也。執事之心固常在於
取士矣。當今取士之道。獨有禮部焉。每歲秋八月。士由鄉縣而
率于州郡。由州郡而貢于有司。有司試其藝能。擇其行義得中
者。後進名于天子。始得為仕也。然士之雖有賢能。由鄉縣而得
于州郡者。由州郡而得聞于有司者。方少其一二矣。況其无賢
与能。竊是虛器之人乎。況其不由鄉縣州郡而直得聞于執事
乎。執事之來也。榮夫父母之邦矣。臨其下也。不以私御其衆也。
不以黨可与進而進之。不可者。否上咸謂執事于鄉里必多乎。
開曰。君子之心与天道小人莫能知。執事豈以鄉里為情哉。將
以天下為情于民而与國矣。千里不足私也。數夫不足黨也。接
其士者。施于上下相由之道也。厚与不厚者。取于賢与愚之分。

異也。有之將以廢其道，亡之將以順其物。天可仰而不可外，君子可近而不可親，士廣納而詳擇，脩求而偏往，執事之所以待于下者也。開行修而人不吝，辭成而衆不解，塊然獨處，出無與交，亦將由乎鄉縣而舉州郡，豈敢遂望貢于有司乎？自度取捨不識，向背材于時，而若無用器于道，而如有合，莫知其已之賢且愚也。幸逢執事之來，故有望於執事矣。是以三投刺而一奉書，先齊沐而後請見焉。執事果不罪而与之進退，揖讓俯仰周旋，使得盡其儀焉。執事之若此者，固無失也。蓋以接其士而欲求其賢，以致于國也。開之幸者，則過矣。何也？本將由鄉縣州郡而貢，有司苟得貢于有司，而敢遽望于有司之知乎？今者不由鄉縣州郡而亟得拜見于執事，執事復加之褒揚之賜，開未知從何而便至于此也。宜何以報執事姑進其言而謝焉。開再拜。

開再拜謹按所業書序疏箴論一十七篇納其後進進謁之禮
非爲文也開始將見于執事之時欲收拾所有罄其鄙惡士咸
謂開傷于太古不若擇其淺近者以獻之開懼其失也遂取舊
所著文爲以五通暨乎得見于執事執事賜之大恩不罪狂愚
私心復悔遽擬易之又慮以疎其次第之儀時日相懸不可也
即俟于後以別有聞夫生而知其道天之性也卒而得其道師
之功也江河流而不止浩浩焉鑿地而穿池汲水以增之力竭
則涸而虛矣內以豐于外有餘也外以資于內不足也天之性
有餘乎師之功不足乎知之其上也得之其次也道也者總名
之謂也衆人則教矣賢人則率矣聖人則通矣秉燭以居暗見不
逾于十步捨而視日月之光还可分遠不可窮及乎日出之朝
宇宙之間無不洞然矣衆人燭也賢人月也聖人日也指而授
之曰諾矣命之南昧其東西与此焉衆人也斯其爲原曰達于
末矣賢人也聖人則異于是通能變變能復通之所以開復之

所以闔開闔也者經三寸而極萬物也通之于心而符于道矣
善射者亡其器則的雖存而莫能取于中弓矢其射之器也
故習必以良調必以勁則發而無失矣聖人之于道也有是乎
其器存則見其聖人也其器亡則雖聖而莫識仁義礼智信道
之器也用之可以達天下捨之不能濟諸身用不捨惟聖人能
之仁者心之親也義者事之制也禮者身之躬也知者神之至
也信者誠之盡也親則不離制則有度躬則無乱至則莫觸盡
則不可得故以之于已無不周以之于物無不歸張而廣之所
以見其時之情也肆其寶貴而售者必以大價市取利不大則
不授矣聖人之于利之無大小不價而咸授焉仁義禮知信
寶也來者与之違者拒之順于夷若華肯于父子兄弟亦不能
保其心故聖人通之以盡其與變之以極其妙復之以全其道
賢人得之者不達于一執經而問焉句分而字解再三始別其
義考之終身能窮諸篇也有矣尋其詳求諸理法而依行之述

而取用之曰道若是有矣性非也孝焉功之得也近于此者猶
可言遠于此者莫可數孝而不得者多乎多改曰道少其人哉
成于事業散乎文章未然也于其不孝者可也于其衆人者可
也觀聖去章章可見也觀平聖人文章可見也天之文章有其神
非則變是則曷聖人之文章有其神從則興奔則亡天之文章
日月星辰也聖人之文章詩書礼樂也天之性者生即合其道
不在乎孝焉孝為存也欲其存諸矣孟子下四篇軀之書也揚
之太玄法言雄之書也王氏六經通之書也焉孝能至哉韓氏
有其文吹乎下也非其生而知之則從于俗矣寧有下斯乎能
忘乎此者雖未達焉然異于時矣仁義礼知信可行也此轉而
適熟不迷其性矣端冕而處者不乱其威儀矣代言文章者無
而不實取其刻削為玉聲律為龍刻削傷于朴聲律薄于德非
与德于仁義礼知信也何其故在于功之孝焉無其天之性也
自不足于道也以用而補之苟悅其耳目之翫君子不由矣君

子之翫視必正聽必正文哉文哉可苟也已如可苟也已則詩
書不刪去其僞者也大達必小遺小達必大忘似有在乎天之
性與師之功者焉小遺不弃于孝大忘不可得于道文章爲道
之筌也筌可妄作乎筌之不良獲斯失矣文惡容之厚于德不
惡德之厚于容也文惡辭之華于理不惡理之華于辭也理華
于辭則有可觀也如本用之則審是而已耳或曰小子有志哉
言也無傷于衆害于異乎曰登于執事之明如不極其談則有
濫于進矣與常常者何異之乎開再拜

上王學士第四書

開再拜文籍之生于今久也矣天下有道則用而爲常法無道
則存而爲具物與時偕者也夫所以觀其德也亦所以觀其政
也隨其代而有焉非止于古而絕于今矣文不可遽爲也由乎
心智而出于口君子之言也度小人之言也翫號令于民者其
文矣哉心正則正矣心亂則亂矣發于內而主于外其心之謂

也形于外而斂于內其文之謂也心與文一者也君子用已心以通彼心合則附之離則誘之咸然使至于善矣故大經之用于時若是也或曰今之文咸異于子之言統其事而無不斬者亦何經哉曰幾于苟矣于身適其取舍之便于物略其緩急之宜非製乎久者也曰亦自于心矣惡不可以乎曰裁度以用之構累以成之役其心求于外非于心以出于內也曰雜乎經史百家之言苦李而積用不有其功且大乎曰如小小矣君子之文簡而深淳而精若欲用其經史百家之言則雜也始于心而為若虛終于文而成乃實習乎古者也始于心而為若實終于文而成乃虛習乎今者也習古所以行今求虛所以用實能者知之矣不能者文是猶乎假彼之物執為己有可乎重之以辭飾為偽者于德何良哉曰世如不好于習古子又何惡言古子曰世非不好也未有其能者也人好其所能也不好其所不能也世之習于今有能者尚皆好之矣設有能于古者有不好者

哉曰若是能之其倫于經乎曰不可倫于經倫則亂也下而輔之張其道也曰子之文何謂也有志于古未達矣其未達鄙陋近猷舊文五通書以喻其道也序以列其志也疏以刺其事也箴以約其行也論以陳其義也言疎而理簡氣質而幹卑用于時不足為有道之資納于人不足為君子之觀妾而貢于執事苟不擯斥而時得容進于門而今而後益知其幸也聞再拜

上大名帥請首薦張覃書

張忠定公

十月十四日應鄉貢進士舉張某謹再拜猷書于小宗伯席間昨日公州試罷群口騰議以某名在張覃之右雖未知寶慈惕無量切以張覃者內實敏直外示謙和樂貧著書十五年未嘗一日變節事繼母恭懼猶初授教時一家熙熙有若太和之俗魏大都也万人畢詞謂之君子况郝馬魏之輩十年往來為探討某也不佞心常慕之明公下車在近計部旋遺將以某之文近覃之文若覃之德遠某之行万万也切敢僭冒聞于

視聽惶恐惶恐仰又聞古之取士也先以德行聞今之取士也先以文詞聞古之得士也鮮今之得士也衆異藉其用克歸於真故周設俊造專德行可進也漢定四科參衆善可進也迄于有唐大正貢部偉行奇業有盡取之非行而文詞者亦取之流於百世之下將爲不易之典國家四海久安賢俊間出得士之衆於古無上猶復側席思賢於內詔諸侯貢士於外恭惟明公以德行宏于克應其選一命而通治大郡再命而通治大都皇上速於用明公也欲因名公之賢誘天下之賢其亦何人來踈明試始隨貢士之列卒得知言之地感遇忻慰通於骨髓因欲盡陳其愚執伏望照憐之某嘗少年不量力秉志勵行期到古入十五年逼寒餓絕往還除比歲一寧親則月再覲日然其心顛難通故文詞不殆於覃也性復迂怪執行望於覃遠矣明公決以其爲先是不知覃之善行播某之思也若樹譚爲先則謙薄之俗可易仁義之風可扇又乎乎古昔尊德尚賢之教也幸

甚幸甚某若爵而不伸則負掩賢之過言之越職則有犯上之罪伏望終始監宥之某再拜

上郡牧柴侍御書

雷夏先生

三月十七日爲邑吏王禹偁謹拜首獻書于郡牧侍御閣下某聞裴晉公之爲人也極人臣之位兼將相之才不以高位而自尊不以才大而自負故拜于唐天子請于私第接見天下布衣是以韓愈皇甫湜之徒願出其下且夫二君子者皆有唐之鉅儒也觀其才術亦未必盡在裴晉公之下而甘奔走左右者以其禮賢下士之德能取之耳故能立平淮之功輝煥唐史千古之下一名如生噫是亦賢人之常行弗足以稱爲奇哉且周公之有聖人之才居攝政之位猶吐握以待士度亦何人當然尔但後之居上者鮮能及之或一階一級自爲區別則尊貴形于顏色况宰相乎由是晉公之名愈可重也吁滔滔者天下皆是耶嗟道從何而行乎諒大人君子莫不亦爲恭惟侍御以鴻筆麗

漢為世通儒名冠甲科翼在四海逮乎從事于郡齊起家之調也陳力于法寺歷試之用也登于曲臺戶禮樂也遷于憲府司彈劾也其間專權管之務貳轉輸之職委藩籞之寄周旋出處往來不職位不謂乎不崇也身不謂乎不重也然才有所小抑道未得大見以某觀之亦僂僂供職而已非夫草紫書直仙閣判定史牒發揮絳綸使唐虞之文班馬之作落落焉雅走筆下則方足以彰侍御之才也又非夫步沙堤入黃閣論思古道啓沃天聰使可封之化無爲之風蕩蕩乎生于談笑間則方足以行侍御之道也享是用也必有乎時矣良由晚歲又何虞哉是時侍御得不思裴公之行乎以某之不肖無能固不敢自比于韓愈皇甫湜之徒以侍左右但侍御忍不為一張球爲命也若然某今之隸屬邑事崇階非徒勞之任矣乃千里足下之先朕也又不知侍御今日視之以爲如何入也異日待之以爲如何人也敢傾腹心以始終之惠觸突嚴重無任悚戰之至

上大名府陳觀察書

穆先生

觀察閣下脩嘗病近世以來文武異道將相異材爲弊於時久矣古之所謂文武之道蓋一道也但治亂之用殊所謂將相之材皆通材也由出處之寄異未有不達權謀而名能相國者未有不明學術而名能將兵者則古之取將相也率由文武之道一焉近世則不然謂儒爲文謂卒爲武苟登之爲相矣則不復寄以軍武之任而曰此文人也不足語以武者拔之爲將矣則不求以儒術之孝而曰此武夫也不當責以文時既擇將相之具不同人遂目文武之術爲異時之所以不得其人人之所以不盡其用其弊皆出于此乎脩常願識如古之賢傑之人文充經綸武洞權變弛張諧物理動靜應機會陽關陰關與鬼神造化爭其功用無所施而不得者如此之人逢其時進其才出入乎文武將相地使剛柔匹夫矜名主將者觀之聞之色死氣喪旣首聽命知將相之道不在于彼而在吾儒也豈不偉哉求之當

今他未或觀唯服閣下之才德風略于斯有年矣伏惟閣下名
極而望峻識淵而量闊視鼎中之第十當年若掇遺物之易蹈
宵漢之衢于平昔如馳坦塗之速周歷清美深集禁密言辭典
冊筆動雲雨當斯之時天下之人共言閣下之文章真詞旨矣
一旦奉明詔去內庭統將符分肅問黃枕攸倚來藩其門命下
之辰威聲四出當斯之時天下之人又言閣下之氣略真帥矣
天下之所以稱之如彼者何如此者何非私言也抑以閣下之
才全能鉅無施不稱文德武備靡不在躬也附衆却敵靡不如
意也以是而天下言之耳然則雖古之賢傑復生諒難以加此
惟可不嚮風馳想氣激神竦求一識大賢君子之風采忽不自
知其貧賤累糧躡蹻來及魏都亦既至止復傍徨躑躅不敢
徑進則訪謀于諸府僚從事或有言曰公性嚴急難犯也或曰
公性深沉不測也始聞之甚懼且疑徐念之則悟以解曰彼言
公嚴急難犯者其非也公方負天下文武之望以賓接士大夫

爲功務顧首肆嚴急難犯之性損其容納度量乎斯不狃矣彼
曰深沉不測者宜有之凡大賢君子動作施爲皆不使人閱
其涯畔今公柄國重任殷河朔上流禮接邊鄰鎮靜方域非深
沉不測其何以制遠御衆乎苟行事深淺動爲人料其孰曰大
賢君子乎其深沉也則宜矣旣以是辭之因從而語曰夫深沉
不測則臨事好思臨事好思則心存默識今公誠如是則賢矣
肖進于前必有所取捨矣宜乎小人萌進見萬一之望焉敢用
致書數言于左右以爲請見之禮俯伏俟戟之下以俟進退
之命閣下賜與之見則敢進見實旅人寒士之幸也不賜與之
見孰敢求之見蓋霸薄之命不獲遇于大賢君子之知矣窮達
惟退庶卜是日敢不惟所命之伏惟少賜憐察幸甚其恐懼再拜

上經略范希文書

滄浪翁

某觀古之烈士受人一言一顧之重不計已之能否事之重輕捐
命傾囑而不入或促其禍敗繫於所知者多矣然史氏裨諒皆

擬之以稱述其事而整屬偷淺其竊謂其勇敢敦氣節則有餘
至于成就大計想道与權則不足矣故某自少小迨於作官所
爲不敢妄必審處已之才能而傳會事道人雖不知自信甚篤
且久矣昨者朝廷以閣下才謀絕世負天下之重望倚之以究
西事故閣下開置幕府收策志慮英幹之士以自廣蓋以兵者
重器資群材以共舉一失其任則折衄報之而閣下誤有聽來
知引猥瑣賢令左右委言垂意發於顏色某非不知依閣下之
重可以取光價而自振起設臨幾事不能有所建弼耻也有所
建而不合於義不行焉亦耻也况於傾撓哉反是則不唯亏損
閣下之望某終身可廢無所容焉是以上犯盛意懇激避辭者
盖在此也然某雖至冥愚內荷閣下之顧夙夕感慙思有所報
昨聞閣下以張存不才自求守延州物論喧然以閣下領經略
之任自可往來陝右進退在已延州逼近賊鋒而能言安逸以
就危險雖古人不逮也又或云閣下居長安統貳於人不

自立功名將高舉遠去以自異此二涂未必中閤下之度以某
觀之既自張存則不得不自請置裁授之際有所未安何者以
閤下為經略使自陝西以至於邊徼斥候皆可處置在匹則高
守一州於他郡不接吳他郡不接或可不能制制閤中事蓋閤中之俗大抵
強悍暴忍又形勢險固出於天下今方之取鄉民藉之為兵得
操弓矢以自建習往來道路与寇賊不辨小入少思慮加之氣
俗又得此利器幸而歲常豐父兄家老聚居可約束不幸小歉
父兄不能保有其子弟必將人人依險以自快則其將奈何耶
况朝廷前有意令其自衛不率以戰今條約煩細又迫駑之以
向敵人頗失望有天下而失人以信後將何所恃焉昨者延安
鎮戍殺害民畜不可勝紀死氣結矣不判必能變亂陰陽之和
今雖稍稔恐來年宿麥不登民必狼顧矣弱者流轉強者化而
為寇賊則心腹之有疾矣閤下居延川雖能制吳賊之命多費
其種族逐之絕漠而遁亦何救閤中之事耶故其謂西羌不足

憂於關中也近日竊聞鄰郡數勝頗得馬畜者其耕墾大其聚
積朝廷即時越次以賞其勞使人得自有所得軍聲稍振士
百其勇以其觀之古之善禦戎者豈特是哉蓋務訓撫吾民使
安其業不以非義動死其衝塞絕其互市閉之沙漠之外俟其
微且困則破散之長鈔夕盜焉競寸尺之地非中國之難也某
慮將佐不知此事銳而少思狃豪駿之勝中其詭譎而所喪
必大蓋兵家之法必以餌驕人而後取之况羗虜常以伏奇包
衆勝中國當此之際閣下能部勒諸將分乘險阻不使習小利
以爲功特重其弊而死其姦謀不俾曠日而使之內潰此係政
所謂善之善者也况夫舛幽靜則謀情而威氣張銳則令煩而
墮閣下立謀而守令者也以身系安危可不慎哉若能去延川
之狹以目任撫關中之人以示信而又沉遠變動則何敵之敢
抗邪懸料古人所難况其淺識而欲上贊遠略然區區之誠膺
臆于內乃覩一得以補高明撫斷之餘特賜省閱幸甚窮邊苦

棄乞加護練不任懇切之至

上王長安書

若泉先生

判府左丞閣下天下無事天子其尊公卿其貴士其賤從士而
並數之至於天子其尊也甚厚其爲變也甚難是故天子之尊
至於不可指而士之卑至於可殺嗚呼見其安而不見其危如
此而已矣慙慙公之死非其無人也以鶴辭而不與戰也方其
未敗也天下之士望焉其驚而不可得也及其敗也思以千乘
之國與匹夫共之而不可得也人知其卒之至於如此則天子
之尊可以慄慄乎一而士之卑可以肆志於下又焉敢以勢言
哉故夫士之貴賤其勢在天子天子之存亡其權在士世衰道
喪天下之士孝之不明持之不堅於是始以天子存亡之權下
而就一匹夫貴賤之勢甚矣夫天下之感也持千金之璧以易
一瓦缶幾何其不卒而奔諸溝也古之君子其道相爲徒其徒
相爲用故一夫不用乎此則失一之士相率而去之使夫上之

人有失天下士之憂而後有天下士之懼今之君子幸其徒之不用以苟容其身故其始也輕用之而其終也亦輕去之嗚呼其亦何便於此也當今之世非有賢公卿不能振其前非有賢士不能奮其後洵從蜀來明日將至長安見明公而東伏惟讀其書而察其心以輕重其禮幸甚幸甚

上蜀長安書

顏真卿先生

輟聞之物之所受於天者異則其自處必高自處既高則必超然有所不合於世俗蓋猛虎處於深山向風長鳴則百獸震恐而不敢出松栢生於高岡散柯布葉而草木爲之不殖非吾則尔拒而尔則不吾抗也故大才不同則無朋而勢遠絕則失衆才高者身之累也勢異者衆之弃也昔者伯夷叔齊已嘗試之矣尚其鄉人立以其冠之不正也舍而去之夫以其冠之不正也舍之而去則天下無乃無可而共處者耶幸天下而無可而共處則是其勢豈可以久也苟其勢不可以久則吾輩乃亦將

病之向其病而後反也不若其素而之之爲善也伯夷叔齊惟其進而不及是以爲天下之弃人也以伯夷之不吾屑而弃伯夷者是固天下之罪矣而以吾之絮濁而不屑天下是伯夷亦有過耳古語有之曰大辯若訥大巧若拙何者懼天下之以吾辯而以辯乘我以吾巧而以巧困我故以拙養巧以訥養辯此又非獨善保身也亦將以使天下之不吾忌而其道可長久也今天天下之士轍已略觀之矣於此有所不足則於彼有所長於此有所蔽則於彼有所見其勢然矣及聞執事之風明俊雄辯天下無有敵者而高亮剛果士之進於前者莫不振栗而自失退而仰望手葉之輝光莫不逡巡而自愧蓋天下之士已大服矣而轍願執事有以少下之使天下樂進於前而無恐而轍亦得進見左右以聽議論之末幸甚幸甚

上金陵知府書

無爲子次公

僕無爲人以淮南方伯之召而客于楚聞南使過楚楚人有問

之目曰亦不遠万里將有獻於朝廷其何物邪使者曰炎海之濱有獸其神若兕匪兕若麋匪麋一角戴義四蹄履仁行以中矩遊而不群爲世之瑞命之曰麟楚人曰角之戴戴義不足以尊尊蹄之履仁不足以親親行之中矩不足以爲世法遊之不群不足以爲絕倫匪兕匪麋亦麋兕鄰瑞之來何所補於吾俗瑞之隱何所損於吾民世之治亂在乎人孰謂系於斯麟使者屈之默然而去士有於此少而窮仁義之原長而得仁義之道非仁義之行不敢以行非仁義之言不敢以言不生于窮荒之地而生于中和之域不求知于獯俗而求知于大賢或遇其其知而獻之朝廷則非獨使万目之駭其必有補於世而不玷乎大賢之知雖不足以爲天下之瑞而亦無愧於是麟也願閣下少加意焉伏惟閣下富文老孝天下宗師所黜所善士林權鑑傑世寒賤人所不顧今日之來不敢以諂言支說取瀆大君子敢以所聞獻于門下以俟進退

上廣帥朱舍人書

西塘先生

某竊以世必有慘暴刻剥殘民害物之為可甚惡然後溫慈惠和仁民恤物之道為可愛而情加親昏墨黷賢否混雜之為甚可厭然後明白昭晰淑慝分別之道為可敬而勢加重夫陽和蕩道植者萌達動者孕孕宇宙之廣同之欣泰蓋有不知春力者焉大冬凜冽雪霜仍存節折皮裂一旦被之以熙熙之和莫不計擢鼓舞而競趨者矣此則惡暴而欲仁之心也日月東西容光必照通途人道誰美昭明而風霾積昏幽力重閉一旦劃然殊壁在目莫不軒豁懷抱稽首頌頌徜徉清輝者矣此則厭黷而快昭晰之意也故愛敬常在乎君子而厭侮常在乎小人小人之道不極則君子之道不顯情勢使然也前日之不幸上直其堯舜仁聖之君而民不被虐虐天地之德日月之明者惟二三匪人當政殘暴昏墨乘時並起三十年之間天下涵涵無一日之安定謂人之不厭侮是誣天地神祇之言實竊疑

幸物者之心豈時有不仁者歟高明之極豈時有不照者歟何
爲使群小得肆若是也一旦乾健天覆重離以昭將復二典之
盛首正群凶之誅天下顙顙若出陽火不惟人之愛君子有加
也君子之相愛者亦有加焉不惟人之敬君子有加也君子之
相敬亦有加焉故曰小人之道不極君子之道不顯情勢使然
也然則殘暴昏墨之爲是乃所以爲溫慈惠和明白昭晰之地
尔大愚也而自以爲智豈不謬哉抑亦適丁民物之有是時尔
如某不肖以熙寧申寅中不忍諸殘暴昏墨之爲可甚惡厭者
叫訴不已直欲九重之間知外事之如是尔一置於此丁有二
年而後遇先皇帝登極恩霈以得生還而元符之初復行舊典
其爲大冬寒冽節折皮裂而思春陽之和風雍積昏幽乃重開
而望星日之光可謂久矣方茲昆蟲草木亦知有慈惠昭晰之
爲可愛可敬而加親加重矧夫粗知執簡策李古聖賢之事蹟
惟君子之爲愛敬者哉伏惟閣下以仁則孝於親而忠於君以

明則李通淵源探索微妙其在 upper 則教誨不知厭倦而旌軒
所沾無非山恒梯中和之政士大夫之在陞降如輕重之在權衡
曲直之在繩墨宜乎俠之聞風慕義誠心悅服望望欲進於門
下昨在福建部司尊以泉李教授爲請於朝聞閣下深惜齒牙
餘論拜命奔走與以伏下風而瞻君子之光輝不謂旌節之遽
移也第快快深恨自歎命分之薄已而叔粲大夫相見具言閣
下有自以照隣之深者益用欽企今茲曠大昭天涌泉之澤與釋
羈紲歸自墳墓當道由南海而閣下實以旌鉞來帥于是使俠
得便道以實名於前命其爲慶幸豈特窮冬熙熙之和久幽赫赫
之昭而巳哉然前日旌旆過英俠適以家計遠至舍弟與其婦
同時傾逝荼痛粟裂是用不得迎拜道左逮今爲恨以鼻者頃
慕德誼之切今茲情加親勢加重之時宜乎不當滯滯自緩自
後之如是特以旅橐空罄市廛不售因仍未能揮羽翼而東也
然亦不過旬月即登門闕承警教有日也不勝區區私衷慶喜

憊夕不眠者謹布一二于左右而爲請見之先伏惟以靈枯燭
幽廣大無疆之心必賜俞可不宣

新刊 國朝一百家名賢文粹卷第九十四

新刊 國朝二百名家賢文粹卷第九十五

書

上監司師守書六

上呂晦叔書

淮海先生

月日進士秦某謹再拜獻書知府大資閣下某聞天下之功成於器識來世之名立於學術古之大臣以道事君不可則止未始有意於功名然其器識學術博大而精微則功名歸然與時自至雖欲深閉固拒揮而去之不可得也昔漢昭宣之時霍光以宿衛之臣任漢室之寄大器將傾徐起而正之神色不變此其器識實有以過人者然操持國柄不知消息盈虛之運身死肉未及寒而宗族滅矣則學術不明之弊也其後順桓之間李固以一時名儒位居三事扼姦臣之吭而奪其氣此其學術真有古之遺風然易舉輕發不能定大計於无形至爭以口舌申之書勝事故不就身亦隨之喪焉則器識不宏之弊也非特二

子爲如此大抵西漢之士器識優於李術故多成功而名不足
東漢之士李術優於器識故多令名而功不成夫君子以器爲
車以識爲馬李術者所以御之耳西漢之士如環人之車駕以
駸駸馳通道峻坂無所不可然而日暮途遠倒行逆施者有焉
東漢之士如豆泰氏持策攬轡圓游中規方折中矩然而車弊
馬羸輾薄於險阻之間則固已敗矣某狂妄嘗以此說推論歷
世豪傑之士又以默觀當今之時而指紳先生有告某者以謂
器足以任天下之重識足以致無窮之遠李足以探天人之願
術足以耦事物之變如古之所謂大臣非閣下不足以爲此
又曰閣下之道如元氣行乎渾茫之中其發爲風霆雨露者特
糟粕耳某時方食聞之投匕箸而起遂欲身從服役之後求脩
掃洒之列而困於無介紹莫獲自通竊伏淮海抱區區之願缺
然未厭者有年矣比者天幸閣下來守是邦而某丘墓之邑實
隸麾下是以輒忘賤陋取其不腆之文錄在異卷冀諸下執事

又述其願見之說爲書先焉夫大冶無弃金大陶無弃土江海不却水王侯不遺士某雖不能廉小謹曲以自託於鄉閭然古入所以處廢興而擇去就者竊嘗講其一二矣儻閭下不賜拒絕而辱收之請繼此以進于貴公嚴俯伏待命不宣某再拜

代上薛金陵書

姑溪先生

遠去侍席已復累月粹然如春之和氣儼然可畏之德威翼翼然挽之不斷之誠意未嘗一日而忘于懷也此特小已所得之私耳至其深淺不可以意測形器不可以物拘習之者則曰善人君子也驟見者則曰不撓而有常者也曾不知刑不加峻而頑猾弇息談笑自若而百廢具舉昔無夕不警盜也而今乃外戶不閉昔一月率三四回火也今未嘗有醉人橫路則歌笑扶攜無一語相凌拂万且雍容燕席登覽陳迹与二三要人握手傾蓋周旋於氣類中而往來賓客無問細履莫不滿足而惡恋不忍舍去是豈沾激而然乎是豈緣飾而然乎乃知小已之所

得乃衆人之所得也魯使樂正子爲政孟子曰吾聞之喜而不
察有問之者則曰其爲人也好善好善之効乃能如是邪必曰
至誠而已至誠可以參天地之化育於是益知昔人之言爲可
仰也其曰推是而行之於廟堂之上則公已効之舊但褊迫自
吝者率以迹求而不知以道而觀是未足爲知公者又曰公將
歸正鼎鉉遂一德以享天心而霈然下膏澤於民則今日之政
信可見於天下矣是則有造物焉其如是以有衮衣兮無使我
公歸兮無使我心悲兮此愚與衆人同也早游門下特不敢自
許於見知而中間恩恤之勤似非咫尺可得而擬議雖仁厚造
次必于是然蒙被之獲罔然不知其況也不圖晚暮獲素均勞
之便拊循有加禮意逾厚益信前日之不敢自許與夫輒謂造
次必于是者皆私計皮膚之見也今夫寒暑之變有生所同而
有得之深有得之淺者非天使然其所遇之地適然耳以是而
推則所謂皮膚之見者亦非盛德之所期也碩夫光明匹夫匹

婦不得其所則如已推而內之溝中此伊尹之志而西公之心也一介所吝不復繼續以致其感然亦不得而已也

上帥書代人

木鴈先生

不言之化無名之朴藏密宅幽不自俎豆於玄爲之域別人孰得而相之然從事於務者不好辯則內心不據不求舉則外望不集緣是窮達形焉貴賤著焉曳梁苑之裾漫許都之褐以致其身而授粲置醴皆公卿俛屈以就士子之美或取以贊幕畫或用以重府望蓋非蒙衆勝流不當茲選其有僕慙無它能者往往濫竽門下而死焉畫龍不加汰擇非其智不足於炤了也誠謂漫圓不虧之器難於強人取能絜身辦事則何士不登吾之且評邪某本眉陽白士幼聞父兄之餘論蓋嘗鼓篋虞庠期欲自奮立而退鵬南宮年曠腕晚遂叨世賞一行作吏雖未閑法義而區區計效粗追殿責以故當途庸使間蒙矧翼俾遂循資茲焉遷叙父茶事之嫌移主邑簿殆且閱歲妄圖遷改之漸

而諸公又有許爲甄陶者其惟執事仁義之氣宣帝力於圓扉
道德之風明國是於半水善救人而不絕物顧如某者雖賤愚
無取而黽勉備便令亦既積日且家門官李似有雅素則恩膏
之施執事豈畧然垂錄也況廷召之命已播中外方趨舍人治
裝某豈顧躁言之罪遲遲不引喙而爲庭闈之弃人哉執事霽
威試加察焉

上宣撫張樞密書

南陽公

某再啓近傳金人入寇東南朝夕隱憂不遑寧處會稽阻錢塘
可爲久長計否去歲川陝望幸漢中據險阻激勵陝右猛將利
兵庶幾漸圖興復而此議竟格今日豈可不伸前議望留鈞念
某雖假守郡符區區西心王室亦當力請蓋朝廷無拘迫之憂
方可另令中原沮此議者何不思之甚也陝西五路每路有二
十將封拊軍器而保甲人人習戰勁利標邀自來諸將倚爲選
鋒今合五路約有五十四方此外射砲弓箭手尤爲勁捷合五

路約有十六萬人兩寇關中皆為諸將堵截之折北而去以形勢論之号百二山河之固以兵力較之百倍江浙而又有熟戶蕃兵自來目為鐵鷄子隊人謂一可以當百捨此而不用而欲聚東南烏合怯懦之人以當金人百勝之鋒未見其可陝右諸將拒敵之心甚固若乘輿在蜀撫存激勵則人百其勇捨之而遠駐江浙屬諸將解躬未必有勤王之心今天下大計倚蜀漢陝右形勢及五路兵將圖興復為易自江浙反正為難望廟謨早定至計伏聞有川陝宣撫之除想已拜命矣

與成都帥盧尚書

同前

某再啓近來邊報稍息兩蜀關鍵全在利路議者謂自陝右而來不由劍關其路有三一自興元入米倉山至孤雲隘口經難江縣入巴州則徑入成都及閬州一自利州由木瓜嶺鼓樓山經葭萌至漢西水益泉縣徑入綿州一自長安由子午谷至達州經鐵山徑入渠州去歲惟達州置子午寨極隘外興元米倉

山孤雲隘口可以守把利州木瓜嶺鼓樓山上下約二十里可以守把然今守把止名目而已詢之商賈私賤及經往來人皆云兩處道路依山險可以剗削云處甚多本路官不肯剗削留為道計其設絆不過謂梁洋無粮道而已魏運自有正路豈由此崎嶇小徑又不過謂尔不助我把疆陲若寇入吾境乃為尔防限耶此二說皆自利之辭也立之老兄若為保蜀万全之計當先念此宜自成都差有心力文武官各一員專一督兵夫斷削此路前後數百里有可斷處勿復更留縱稍費力豈可但已又洋州有路置至巴州雖以兩處稍遠而可通鐵騎然依山丘棧斷之易為力此數處既皆塞則專力守劍閣及興利棧道蜀中必保全安千万留念至懇至懇嘉陵水路正初堂蒙諭及措置想已有妙畫矣地圖一本在季蒙處可取觀即見子細也

上張宣撫論用兵三策書

王臺三公

宣撫樞密相公閣下昔范文正公居叟上相府書其自言不敢

以一心之戚而忘天下之憂方仁廟之初承三聖之烈天下大治四海一家法度已彰兵革不用可以與民休息垂拱無爲之時也而文正公岌岌乎若有危亡之變起於是暮故諭趙鼎和急於進說忘義之士至今偉之賞也何敢望於文正公然諄其書尊其道可所慕焉知今天下事勢傾危如此閣下天挺忠孝才兼文武凡所動作皆中機會以取高於當世出而宣慰數路分主上西南之憂方將收用群才以建立大功而賞僻在西南引古魂中敢不以文正公之為心而無一言哉今天下之大利害生民之大休戚朝廷之榮辱社稷之存亡事關廟朝者皆未暇言今之所言者特以閣下膺闡分之寄所先者兵事兵之所恃者財用而已然賞書生也權物貨之輕重通商賈之有無較錙銖之積折秋毫之利非素所習至於兵事則亦不敢自謂通曉然初知讀書自春秋戰國以來謀臣之策良將之略成敗得失之數蓋亦無所不窺必考驗其故而得其一二故敢進末議

且北胡之能入中國而屢以得志者其說雖多要在二言曰和而已一幸而為城下之盟再幸而京師不守三幸而龍虎廣陵皆以和來也自澶淵與契丹盟慶曆再和天下無事百有餘年承平既久人不知戰故今日北胡得聽其說以邀大利朝廷知吾中國之勢力不足以敵也亦姑取和以幸苟安故億萬計中而每每未悟以至於此兵法曰上兵伐謀彼之說以和而吾之說以戰則何遽至是哉今中國弱矣求和而不得矣困獸猶鬪而况於人乎則其勢必至於戰前日史策進戰者張曰能料敵制勝也欲與之俱靡而已建康之殺獲相當涉旬之斬馘執俘近日長河舟師之捷而西兵亦亦有功則戰之效也東南之事難以遙度謹條西師利便為中下三策以獻其一策曰用弱凡吾兵實強而欲謀人之國者必示之以弱冒頓匿其壯士健馬以見漢使是也吾兵實弱而欲謀人之國者必張之以強韓信荅田休兵鼓使脅燕是也今吾兵既弱情見力屈張以強勢

敵必不信故莫如用弱敵人素輕吾中國之士以爲無能爲吾
則示之以不爲素知吾中國之民怯而畏戰吾則示之以不戰
今宜下令約束諸路曰備尔甲兵謹守封疆寇來則禦之去則
不動天子蒙塵于外以關龍之遠而頻年寇至官吏之勤勞而
軍民之困瘁也故命吾出而撫綏戰非吾事也使使之益以我爲
易而不設備而吾陰自治之內選將任賢蒐士揀卒結之以恩
信而固其心激之以忠義而盈其氣凡吾之兵擇其精銳而損
其數外見至弱之形而內收至強之實使彼怠而我奮彼驕而
我怒及此而與之戰破之必矣中國之民非心附夷狄也特劫
於威強服尔我戰而勝天下可傳檄而定此非常之功也中策
曰用奇古之伐國者必先用其兵於空虛無用之地所以斲其
援而孤其勢漢高帝之所以爭權天下者項籍也自彭城之敗親
與楚戰者蓋無幾南收九江北取趙魏東下燕齊然後起而滅
楚今敵人之志專在於東南也胡不併力而收秦隴南峽巴蜀

以荆湖舟師臨吳會、非其智之不出於此。蓋以我為易而不
必用此也。吾可以因其勢而用奇。河東五王也。朝廷仁恩德澤
百有餘年。豈無豪傑忠義之士欲奮而不得乎。敵人大兵往來
徐泗之間。而獨以偏師臨西土者。懼吾一出過河。以收河東豪
傑忠義之士。搗燕雲之虛也。三年于茲矣。而吾乃畏縮而不敢
進。使其偏師日引月侵。陷吾數州之地。此執事者之過也。為今
日之計。莫若大率五路之師。每路各留兵數千。以備它盜。據要
害之地。擇利而進。別選精銳五千。旁南山而東出。商虢趨陝。渡
河以襲安邑。河東豪傑忠義之士聞官軍至。必有應者。因彼之
糧鼓行而北。收復上黨。太原則河中同華在吾腹中。而虜師敵
矣。昔韓信擊魏為疑兵。陳彤欲渡臨晉而伏兵從夏陽以木罌
生渡。軍襲安邑。遂虜魏豹。此用奇也。下策曰。浪戰以秦鳳。照河
之兵由長安以收潼關。以涇原環慶之兵由廊延以入馮翊。兩
軍犄角而進。見利則攻。不利則守。一勝一負。雖無常形。而彼軍

深入吾地欲攻則不得前欲守則無所掠則其勢亦必不久俟其遁能吾以兵臨河列屯戍而守之據秦秦之地修城池勸農桑訓兵養民阜財積粟以爲後圖此最下策也賞觀夷狄之強無甚於今日非其能強也因吾之弱勢以成其強尔然豺狼之心本無遠略所至殘暴人心不附名雖爲強其實易弱也蠡曰持盈者與天定傾者與人節士者與地其說與易老子合此非獨爲越言也近之治一身大之治天下莫不用此況於兵者存亡之機死生之地而可不知此哉伏惟問下觀時之變察敵之情務萬全圖久安無務於速成無貪於小利使兵勝於外福生於內建功業於不世流聲名於無窮則賞之所陳三策願審處其一而行焉若夫財用之說非所素習而亦嘗講聞其大者易曰以仁守位以財聚人以義理財上以配天地之生德則財用之說蓋有仁義存乎其間而非爲人害者也故曰道御之而王權用之而伯如前所謂較錙銖之積析秋毫之利則小人之事

其為人害也必矣夫居有事之時陞權應變而不失其正者君子之時中小人而臨權變之際則亦竊其名而行其無所忌憚之事小人而無忌憚則亦何所不為哉伏惟閣下留意其大者而無惑於小人之說以予為取不患不足賞不勝惓惓謹復列之于末閣下無以其書生之言而忽焉予冒鈞嚴不勝戰栗

上張宣撫論用兵利害書

同前

宣撫樞密相公閣下賞憂患餘生閣下過聽差貳名邦雖亡兵啓狀叙謝念無以報德伏見閣下以非常之才當傾否之運撫數路宣慰之權與人主中分天下之憂匈奴不滅去病何以家為元濟未擒裴度誓無還日忠憤激烈前無古人甚善其言實輒述今日制敵之方以備採擇伏讀主上近日詔書三道聖訓丁寧不與強虜爭一旦之力竊意今日制敵必用守策也凡守必以兵諸州尺籍之外曰招集散亡曰募良家子曰選鋒敢勇曰弓手曰水手而兵已多守必以財貢賦征商之外曰茶息曰

塩稅曰酒課曰徵實曰加役而財已行水運則舳舻相銜壅遏則肩摩轂擊而米粟積山林有伐筋骨有宰鐵冶有鑄而器械具兵雖多而常患無兵財雖衍而常患無財米粟積而常患不足於食器械具而常患不足於用此其故何也敵人未去而吾未有休息之期曠日持久則皇皇然常有不足之憂也敵人駢吾之民以爲兵因吾之食以爲糧而其精騎不過數千負勝養威終日間暇聲吾之東而實之西迹吾之右而形之左使吾疲於奔命備不得徹敵日以壯吾日以困賞竊爲執事者危之古善守者敵不知所攻夫所謂不知所攻者非謂牢閉固拒使攻之不可也蓋亦時出於戰而已夫兵難選度將不中御應機制變自詭以勝可也今諸路險隘屯戍之兵多則食不足少則不能支敵宜料選精壯而損其數於諸屯相近之地相其要害之處各宿重兵一二千人使之緩急足以相救有險以恃有壯夫以誰何有重兵以爲援夫何患不能支敵時以銳兵費數十日

糧或出秦隴以搖涇原或出褒斜以攻長安或出商洛以搖同
華於諸將中擇其敦大厚重者使之宿重兵於要害而剽剽果
敢者使之將銳兵以出入彼攻則不克守則多虞其勢必道不
出暮年關中諸郡可以復得非但保蜀而已昔諸葛武侯連年
出師而蜀人安使敵備之而未嘗偷敵蓋以攻爲守也又其出
師糧盡則還不竭民力以奉軍旅若其賦歛誅求日出則蜀何能
國今詔書責吾以守敵人知之而不專於守以出其不意此武
侯之術也用兵不多約其調度則昔之常賦贍而有餘可以罷
去苛擾一切苟且之法以人則安以守則固以戰則勝矣愚慮
如此惟閣下圖之

上姚安撫書

固弟先生

某少時聞毀前姚公以忠義翼衛社稷父三兄弟才略威名
皆爲當世第一而其間不輕然諾持重有謀折節下士不肖以
一身之得失易天下之安危閣下爲最賢公之大夫莫不愛重

之及長遊京師往來關陝間繼又官于雍以其所見與聞者而
考其始終大略然後史然知閣下之為人非獨功名事業為一
時偉觀而憂國愛民輕財重義知取舍聚去就信有古人之風
而攻城野戰克敵馭眾之奇蓋閣下之細事而不足道也方西
邊用兵中外之士陳述利害稱美功德惟恐其後子女玉帛牛
羊犬馬充塞將相之家其餘拊圭擔簪而去者不可勝數頃年
尤盛閣下獨顧大帥至於退黜不用自信益篤崇寧末有使子
契丹者失於將命是生我心乃出虛聲搖撼邊境以嘗我虛實
中外憂懼繼生滿朝束手不能出一言河朔諸州無故城守天子
变色召公于西將付以事公慨然上方略具以西北二邊動靜
安危之機攻守輕重之所以不同者詳于朝上嘉歎從之虜亦
遂無事自是排斥小人異日沮害者必意用之河隴以西屹然
無四顧之憂至大觀之初百度鼎新夷狄款附磧石之西遠界河
源黔南招納縣九方里議者皆曰万世一時也閣下擁高牙大

蘇當志士抵掌鳴劍之秋乃闔門私室無所造請非有高世絕俗之慮何以及此某聞之竊有責焉夫書生鄙夫平日高談危論規矩步趨外見誠似矣方朝廷無事時人人皆能時何候棄便逐利一旦有急愚者以恐懼懼國知者以乘隙生茲漢唐之亂自由此出由是觀之使閣下遭倉卒之變排大難解大紛不動聲色而易危為安轉敗為勝豈不賢於書生鄙夫耶人必能窮也然後可与之富人必能退也然後可与之進惟非知道者不能自秦以來豪傑之士伸於功名者或出於節義勇於武略者或快於文章計一己之榮辱而忘國家之安危苟目前近効而不顧善後之慮者皆是武帝末年海內虛耗太宗皇帝諸國自謂無敵而子孫世苦夷狄之患非特君之失皆將吏貪功生事之過也今閣下進不為已退不志君有撥劫四夷之勇而不日濟民以取利忠足以結主威足以服衆仁愛足以得士民之心夷狄懷之士卒附之賢士大夫愛之人主信之遭事變而

不惑臨威勢而不挫處去就榮辱之際而不以利害易其心要
使其民安其國治而吾身從之功名節義文事武略兼全並有
推是心以性雖加之廟堂之上役使群衆賢於衛霍遠矣某西
蜀賤士讀書朴拙不適時用獨好古人大節以爲大丈夫立朝
當以忠義激揚世俗處今之時如公乃可至於官祿富貴雖奴
婢小人時來則爲之嘗泛觀前古盛衰治亂興當今施設之方
考論時事輒亦及於兵初得一第以游食州縣爲養親計而意
廣才疎年少氣盛暗於情僞不能收斂鋒鐔以陷大難退而省
之厥今天下非閣下將誰可與者而天下長無事則已數有焉
非閣下其誰當之閣下平日所以繫去就悞取舍憂其身不苟
用之者豈非志在於國而欲有以重發之者耶若某者亦豈非
天欲用之先使之困折窮餓然後出之於此耶伏惟閣下功蓋
天下名顯一時精神氣幹折衝萬里之外個儻好義遇物不疑
輒用區區以求合於下執若夫作為文詞勒名紀功此猶濟世

之餘事至於効尺寸輸肺腑庶幾少補消埃異日可以脩朝廷
去取尚有責焉惟閣下進退之

上席帥乞修舊亭書

唐恭愍公

蜀都坤維寔古梁州之域仰殿井絡會昌之分俯環岷嶺秀偉
之氣世載其英代不乏人古所謂士大夫之郡也其承之教職
寔據士林汗顏醉心殆五百許日矣目悅衣冠濟濟之儀耳熟
絃誦洋洋之聲知名教中有樂地恬然以自得也一日升堂有
職事者振衣避席而謂曰蜀有李舊矣漢景帝時文翁出守肇
卜而經營之漢獻帝時高朕繼至再洗而增勅之今所謂孔殿
者乃高公所建寔漢興平元年九月也迄今千有餘歲矣崇寧
初機改卜新基以闢黌宮而孔殿如初焉棟宇腐朽壁無盤固
豈惟不足以行典禮亦恐不足以禦風雨殿之右有一臺乃文
高二公之遺祠殿之右有石經堂刻易詩書等十二經傳於壁
几茲數者歷年曠久上漏下濕因循寢壞過之者不式望之

者暢然好樂道者之所深太息也先生得無意乎其謝之曰子
言陳義甚高所樂聞也然土木之功寔勞且費某職在訓導未
遑它恤顧邊笥未能滿腹而董帷方且潛心今日之事非唯不
敢亦不暇也職事者進而言曰吁是誠何言也無乃愚諸生之
不識耶古者化民成俗必以設黨庠序爲先建國立學必以
尊先聖先師爲本況夫禮殿者月吉奠謁春秋釋奠修俎豆之
容以敦教化之原也石室之祠無志賢太守之盛德石經之刻
爲万世不朽之傳類非細故不可少緩今惜百工之費而隳數
千百歲之故基神寔臨之將有任其責者先生何憚而不言耶
某復亦之曰往歲首夏嘗修尺牘贊于帥府願下有司鳩工度
材因舊補葺庶可持久是時龍圖吳公有意計度而圖之會有
旨銅壺建閣未暇及議茲事之不謂有數存乎其間非某之所
能強爲也子何嘲焉職事者又進而言曰天其或者將有待乎
今席公之再鎮茲土也百度修飭庶績咸熙威名揜於垂崖

稟而不苛德政侔於清獻優優而勿擾欵臨亭宮誘掖多士謀
諄以通經術尚廉耻爲言文向化蜀之德殆無過此鎮蜀以來
未有盛於斯時也當其遇其人畏縮退避而不言縱無幽責詎
適清議耶諸生講之熟矣敢悉以告願假一言以伸之將見朝
往而夕聞命矣仆者興歌者正不可枝梧者庫去而鼎新之以
爲學校之壯觀而振西南之盛事不其臚歌異時我公綏綉東
歸羽儀天朝是所謂聖主得賢臣非唯蜀人之慶敢爲天下賀
也王褒之頌諸生願執筆以俟某臚其言壯其志撫實而書冒
昧以陳不識察其肖中之誠而亮之否

上聶尹書

李忠愍公

某竊謂教化不綱士氣剝蝕至此極矣蓋自崇觀以來士大夫
習尚王安石拘忌軟熟之學自濡耳濡目改月化浸久浸陋莫
有悟其非者故一切務爲躁競而廉靖者寡務爲阿諛而堅正
者寡務爲苛刻而仁厚者寡務爲纖默而慷慨論事者寡聞有

英特秀邁之士挾負天稟高自標躍不牽於楚畹不畏於蜀吠而欲追附古人前輩之列又不過盜蘇子瞻黃魯直等一時游戲之語稍加翦飾爲文采耳搖塵清談無裨世務其有勤職事者笑爲俗吏論兵刑者指爲不祥及朝廷利害則掩耳流汗必以爲狂爲癡上下相襲遠近一軌晉之虛曠唐之浮誇兼而有之人才荒落風俗頹靡如人之表肥而不知其中無足恃也使之遇大難當大任使大策建大勲蔑有濟矣故僞者金寇渝盟直薄城下廟堂無良謀疆場無善戰生靈受戮枕藉千里金帛寶玉岳峙川流婦人女子飲泣北邁又增歲賜割三鎮以鎮溪壑之欲而索未已也國有人焉其至是乎雖然當諸國分裂時而齊猶有管仲燕猶有樂毅趙猶有廉頗李牧以扞強敵以扶弱緒而謂今日全無人哉是必或伏於山林或屈於州縣或廢於罪譴或見忌於朝廷顧東拔之何如耳恭惟閣下以典瞻之文躡英雄之設以強敵之才邁功名之會曩職教事于相而某

洛人也竊聞環奇之書此到郡下歲未及閏而閣下已參從列
矣旋尹京兆以忤權貴被斥識者高之今茲復來人爭先觀屬
太李生陳東以伏闕負謗甚危而閣下力救之夫一太李生至
微也而言路之通塞是係君子小人之勝負是係宗廟社稷之
安危是係故人喜陳東之敢言重閣下之肯助也頃嘗傳閣下
有不次之除或者笑曰此公才與景大盛人必忌之既而止還舊
物雖彈壓之任需神明之斷天子委葛勿以資屈為嫌而外議
去去猶謂忌者為之也前所謂伏於山林屈於州縣數於罪譴
者不可嗟李而見忌於朝廷者閣下之謂也今國勢不競亟於
小醜正人才是急其輩竊賊宸助既不得騁矣如閣下者又復
如此將何觀乎儻以其言有情誠召而与之語恐有取方一焉

新刊

國朝二百家名賢文粹卷第九十五

